



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De eadem re. clxxiiii.

urn:nbn:de:hbz:466:1-10722

Si quis mutauerit, & quod mutat, & quod mutatum est,
sanctificabitur domino.

De eadem re. Cap. CLXXXIII.

IN iustum videtur & impium, vt mancipia quæ fideles *Ex eodem*
viri seu sc̄eminae pro remedio animæ suæ Deo & san- *cap. 3.*
ctis eius consecrarent, cuiuscunq; muneris precio vel cō-
mutationis commercio, iterum in secularem seruitutem
redigantur, cū canonica autoritas seruos fugitiuos tan-
tummodo distrahi permittat, & ideo omnes rectores Ec-
clesiarum summopere caueant, ne vnius eleemosyna alte-
rius peccatum fiat. Et est absurdum vt ecclesiastica digni-
tate seruus decadens, humanæ obnoxius sit seruituti.

Deregali bus præceptis super prestaria.

Caput CLXXV.

PRÆCEPTA regalia super precariis ecclesiasticis fieri *Ex cōcil.*
nec ratio finit, nec autoritas quolibet modo permit- *ad S. Me-*
tit. Quoniam præcepta in iure ecclesiastico firmare indi- *dardum,*
gnum iudicatur, necesse est vt maiestas regia non nisi ab *cap. II.*
ecclesiastico rectore petatur. Idem autem custos Ecclesiæ
solertissimè caueat, ne sui ordinis & ecclesiasticæ cōmu-
nionis fortè immemor, contra autoritatem præceptum
regium pro quacunque assentatione fieri petat. Qui et si
fecerit, non audiatur. Si autem & obtinuerit regia discre-
tionē, & episcopali iudicio idē rescindatur, & petitor in-
iustus, pro principis iniusta suggestiōe dignè corripiatur.

*De episcopo qui mancipium Ecclesiæ manumitti
desiderat.* Cap. CLXXVI.

EPISCOPUS qui mancipium iuris Ecclesiæ, non retento
ecclesiastico patrocinio, manumitti desiderat, duos
meriti eiusdem & peculij corā concilio Ecclesiæ cui præ-
eminet, per commutationem subscriptibentibus sacerdoti-
bus offerat, vt rata & iusta inueniatur definitio commu-
tationis. Tunc enim liberam manumissionem sine patro-
cinio Ecclesiæ concedere poterit: quia eum quem liber-
tati tradere disponit, iam iuri proprio acquisiuit. Huius-
modi autem liberto aduersus Ecclesiam, cuius iuris exti-
ti, accusandi vel testificandi denegetur licentia. Quod
si præsumperit, placet vt stante commutatione, in serui-
tutem propriam Ecclesiæ reuocetur.

Ex cōcil.
Toletā §
cap. 68.

O